

Района шин газет

КПСС-н Яшкульск райкомин болн района күүцэгч комитетин «Ленинец» гидг газет эклдж гарв.

Газетин түрүн номер Хальмг автономн таньгч Хальмг Автономн Советск Социалистическ Республикд хуврагдсн — цаглшго ик байрта өдрлэ харгъв, тегэд чигн, терүнэ тускар гаргъсн СССР-н Деед Советин Президиумин Указ, шин газетин түрүн халхд үзмджтэ орман зөвтэ кевэр эздж барлгддж.

«Байрта өдр» гидж нерэдгдсн газетин нүр статьяд района күүч-көлсчнр, таньгчиг республикд хувраснэ туск Указиг көдлмшин ямаран өргмджтэгъяр тоссна тускар келгдджәнэ.

«Ленинец» газетиг эклдж гарчахд илгәсн КПСС-н Хальмг

обкомин йөрәлин суньгъг газетд барлгдснд эдл-ахун болн культурн тосхлтин төрмүд күүцәхин төлэ ноолданд күүч-көлсчнр района күүч-көлсчнриг бүрдәдж, дуудхд, партин правительствин шиидврмүдиг күүцәхд тана газет ицгтэ дөнгчнь болхд ицджәнәвдн келгдджәнэ. КПСС-н Яшкульск райкомин йөрәл бас барлгддж.

Газетин түрүн номерт 108-ч номертэ совхозин партбюрон сегләтр Л. Аттариновин, КПСС-н райкомин пропагандин болн агитацин отделин заведующ И. Ващенко, «Кировский» совхозин партбюрон сегләтр Т. Кичиковин, нань чигн статьяс болн сонъсхврмуд барлгддж.

«Ленинец» — республикд гарчах 11-ч газетнь.